



Funded by UK Government  Wedi ei ariannu gan Llywodraeth y DU



Grant Lluosi Cymunedol Cronfa Ffyniant Gyffredin Llywodraeth y DU

Canllaw – Sut i wneud cais

Diogelu Data

Dim ond at ddibenion prosesu eich cais am Grant Cymunedol o Gronfa Ffyniant Gyffredin Llywodraeth y DU y bydd yr wybodaeth rydych chi'n ei nodi ar y ffurflen yma'n cael ei defnyddio. I ddysgu rhagor am sut y bydd Carfan Datblygu'r Gymuned RhCT Gyda'n Gilydd yn prosesu eich gwybodaeth bersonol, ewch i:

[Diogelu Data | Cyngor Bwrdeistref Sirol Rhondda Cynon Taf \(rctcbc.gov.uk\)](https://www.rctcbc.gov.uk)

www.rctcbc.gov.uk/HysbysiadPreifatrwyddGwasanaeth

Diben y canllawiau yma yw egluro a helpu ymgeiswyr i lenwi'r ffurflen gais.

Adran yn y Ffurflen Gais	Chau Ysgolion a Thywydd Eithafol
Addasrwyd y prosiect	<p>I'w gyflwyno o fewn ffiniau Cyngor Bwrdeistref Sirol Rhondda Cynon Taf.</p> <p>Bydd angen i brosiectau fodloni amcanion blaenoriaeth buddsoddi Cymunedau a Lle Cronfa Ffyniant Gyffredin Llywodraeth y DU.</p> <p>Bydd y flaenoriaeth buddsoddi yn galluogi lleoedd i fuddsoddi i adfer eu mannau cymunedol a'u perthnasau a chreu'r sylfeini ar gyfer datblygiad economaidd ar lefel gymdogaeth. Bwriad hyn yw cryfhau gwead cymdeithasol yn y gymuned, gan annog ymdeimlad o falchder yn y gymuned.</p> <p>Dyma'r amcanion –</p> <ul style="list-style-type: none"> • Cryfhau ein gwead cymdeithasol a mabwysiadu ymdeimlad o falchder lleol, a hynny drwy fuddsoddi mewn gweithgareddau sy'n gwella cysylltiadau corfforol, diwylliannol a chymdeithasol a mynediad at amwynderau, megis isadeiledd cymunedol a mannau gwyrdd lleol, a phrosiectau a gaiff eu harwain gan y gymuned.



- Adeiladu cymdogaethau cydnerth, iach a diogel drwy fuddsoddi mewn lleoedd o ansawdd yr hoffai pobl fyw, gweithio, chwarae a dysgu ynddyn nhw, drwy welliannau wedi'u targedu i'r amgylchedd adeiledig a naturiol a dulliau arloesol i atal troseddau.

Am ragor o wybodaeth, cyfeiriwch at Gronfa Ffyniant Gyffredin Llywodraeth y DU, yma:

<https://www.gov.uk/government/publications/uk-shared-prosperity-fund-prospectus/uk-shared-prosperity-fund-prospectus>

Nod cynllun Lluosi yw cynyddu lefelau rhifedd gweithredol ymysg poblogaeth oedolion ledled y DU. Mae Llywodraeth y DU wedi nodi'r llwyddiant canlynol ar gyfer y rhaglen ar lefel genedlaethol:

1. Rhagor o oedolion yn ennill cymwysterau mathemateg / cymryd rhan mewn cyrsiau rhifedd.
2. Gwell canlyniadau i'r farchnad lafur.
3. Cynydd mewn sgiliau rhifedd oedolion ar draws y boblogaeth.

Yn Rhondda Cynon Taf

Mae Cronfa Ffyniant Gyffredin Llywodraeth y DU ar gael i Gyngor Bwrdeistref Sirol Rhondda Cynon Taf i alluogi lleoedd i fuddsoddi mewn meithrin gallu a chymorth i adfer mannau cymunedol a pherthnasoedd a chreu'r sylfeini ar gyfer gwasanaethau cymdeithasol, datblygiad amgylcheddol, economaidd a diwylliannol ar lefel y gymdogaeth.

Mae'r Cyngor wedi sicrhau bod Grant Cymunedol ar gael gyda'r bwriad o:

- Cynyddu sgiliau rhifedd oedolion ar draws y boblogaeth.

Rhaid i brosiectau gael eu cyflawni yn ardal Awdurdod Lleol Rhondda Cynon Taf a dylen nhw gyfrannu at un, neu ragor, o'r amcanion a nodir yng Nghynllun Corfforaethol Rhondda Cynon Taf; Gweithio gyda'n Gilydd 2024-2030. Dyma nhw:

1. **POBL A CHYMUNEDAU** - cefnogi a grymuso trigolion a chymunedau Rhondda Cynon Taf i fyw bywydau diogel, iach a boddhaus.
2. **GWAITH A BUSNES** - helpu i gryfhau a thyfu economi Rhondda Cynon Taf.



	<p>3. BYD NATUR A'R AMGYLCHEDD - RhCT gwyrdd a glân sy'n gwella ac yn gwarchod yr amgylchedd a byd natur.</p> <p>4. DIWYLLIANT A THREFTADAETH - cydnabod a dathlu gorffennol, presennol a dyfodol RhCT.</p> <p>I weld copi o'r Cynllun Corfforaethol cyfredol ewch i www.rctcbc.gov.uk neu glicio: https://www.rctcbc.gov.uk/CY/Council/Performancebudgetsandspending/Councilperformance/TheCouncilsCorporatePlan.aspx</p>
<p>Pwy sy'n gymwys i wneud cais?</p>	<p>Mae Cyngor Rhondda Cynon Taf yn sicrhau bod Grant Cymunedol ar gael i sefydliadau dielw personol, sefydliadau yn y Trydydd Sector a Grwpiau Cymunedol, gan gynnwys Cwmnïau Buddiannau Cymunedol a Chwmnïau Cyfyngedig drwy Warant sy'n gallu dangos bod gyda nhw Gyfansoddiad neu Ddogfen Lywodraethol; a Chyfrif Banc yn enw'r sefydliad gydag o leiaf 2 lofnod ar wahân (sydd ddim yn perthyn i'w gilydd).</p> <p>Ar hyn o bryd nid yw darparwyr Lluosi wedi'u comisiynu yn RhCT yn gymwys i wneud cais.</p>
<p>Faint o arian rydw i'n cael gwneud cais amdano?</p> <p>Beth yw'r terfynau amser?</p> <p>Am beth gaf i wneud cais?</p>	<p><u>Dyfarniad Lefel Is - £1,000 i £14,999</u></p> <p>Prosiectau refeniw yn unig.</p> <p>Bydd rownd ymgeisio'r Dyfarniad Lefel Is yn agor ar 10 Mehefin 2024 ac yn cau ar 28 Mehefin 2024 am 5pm.</p> <p>Yr amserlen ar gyfer y gwariant/gweithgaredd cymwys yw 1 Gorffennaf 2024 – 31 Rhagfyr 2024.</p> <p>Rhaid cwblhau pob taliad a gweithgaredd sydd ynghlwm â'r prosiect erbyn 31 Rhagfyr 2024.</p> <p><u>Gwariant posibl - Enghreifftiau yn unig:</u></p> <ul style="list-style-type: none"> • Adnoddau ar gyfer prosiectau • Offer – e.e, darnau bach o eitemau y mae modd eu cludo, megis tegell, wrn, peiriant gwnïo sydd â gwerth sy'n llai na £2,499 • Lluniaeth • Llogi Cyfleusterau • Costau Gweithgareddau Ymgysylltu yn y Gymuned - yn cynnwys staffio ar gyfer sesiynau allanol • Arolygon Effeithlonrwydd ynni



	<ul style="list-style-type: none"> • Ymatebion adfer effeithlonrwydd ynni lefel isel – e.e. ailosod bylbiau golau, deunyddiau i roi tu ôl i reiddiaduron, atalwyr drafft • Cyflogau sefydliadol yn ymwneud yn uniongyrchol â'r gweithgarwch/prosiect - bydd angen adroddiadau cyflogres ariannol llawn os caniateir cyllid ar gyfer costau cyflog <p><u>Gwariant sydd ddim yn gymwys - Enghreifftiau yn unig:</u></p> <ul style="list-style-type: none"> • Costau cyfleusterau • Ffioedd rheoli prosiectau <p>Bydd pob cais yn cael ei asesu gan banel yn rhan o broses gystadleuol. Cyfeiriwch at y ddogfen Meini Prawf sydd wedi'i ddarparu.</p>
Sut bydd fy nghais yn cael ei brosesu?	<p>Byddwch chi'n derbyn cadarnhad ar ôl i chi gyflwyno eich cais.</p> <p>Bydd pob cais yn cael ei asesu gan banel asesu ar ôl i'r cyfnod ymgeisio ddod i ben.</p> <p>Byddwch chi'n cael gwybod am benderfyniad y panel asesu cyn pen 10 diwrnod gwaith.</p>
Adran 1 Manylion cyswllt	<p>Dyma enw'r person sy'n cwblhau'r cais ar ran y sefydliad. Dylai cyfeiriad a manylion cyswllt fod ar gyfer y sefydliad, nid data personol.</p> <p>Dyma'r person y byddwn ni'n cysylltu ag ef yn ystod bob cam o'r broses ymgeisio.</p>
Rhan 2 Manylion y Sefydliad	<p>Dyma enw a manylion cyswllt y sefydliad.</p> <p>Dylech chi gadarnhau p'un a oes gyda chi'r yswiriant a'r polisiâu perthnasol ar waith i gynnal eich prosiect. Efallai y byddwn ni'n gofyn i weld y rhain ar gais, felly sicrhewch fod modd i chi gael gafael ar y dogfennau yma'n hawdd.</p>
Adran 3 Manylion Banc y Sefydliad	<p>Dyma fanylion banc eich sefydliad.</p> <p>Rhaid i chi sicrhau bod y manylion yma'n cyd-fynd â'r dystiolaeth rydych chi'n ei darparu yn eich cais, hynny yw, yr un rhif cyfrif a chod didoli.</p>
Adran 4.a. Enw'r Prosiect	<p>Dyma enw'r prosiect rydych chi'n gwneud cais amdano. Mae hwn fel arfer yn wahanol i enw'ch sefydliad.</p>



<p>Adran 4.b.</p> <p>Ar gyfer beth mae angen yr arian?</p> <p>Beth ydych chi'n bwriadu ei wneud?</p>	<p>Dyma gynllun eich prosiect.</p> <p>Rhaid i'ch prosiect fodloni amcanion Grant Lluosi Cronfa Ffyniant Gyffredin Llywodraeth y DU:</p> <ul style="list-style-type: none">• Cynyddu sgiliau rhifedd oedolion ar draws y boblogaeth <p>Meini Prawf Asesu 2 Gweithgareddau ac Amserlenni: <i>Nodwch fanylion gweithgareddau fydd yn digwydd a'r dyddiadau rydych chi'n bwriadu eu darparu.</i></p> <p>Rhaid i chi ddangos sut y bydd eich gweithgaredd yn ymgorffori rhifedd a/neu fathemateg.</p> <p>Gallai gweithgaredd cymunedol Lluosi posibl gynnwys amrywiaeth o weithgareddau cymunedol. Er enghraifft (ond heb fod yn gyfyngedig i):</p> <ul style="list-style-type: none">• Dosbarthiadau coginio: Mae addysgu sgiliau coginio sylfaenol yn cynnwys mesur, ffracsiynau a chyfrannedd, gan ei gwneud yn ffordd wych o ddysgu rhifedd wrth gael hwyl yn y gegin.• Gweithdai garddio: Mae cynllunio a dylunio gardd yn cynnwys mesuriadau a gadael bylchau ar gyfer planhigion, cyfrifo cyfaint y pridd ac amcangyfrif y cnwd sydd i gyd yn gofyn am fathemateg sylfaenol.• Gweithdai Crefft: Mae llawer o grefftau fel gwau, cwiltio a gwaith coed yn cynnwys mesuriadau a siâp geometrig, gan ddarparu cyfleoedd i ymarfer sgiliau mathemateg mewn lleoliad creadigol.• Prosiectau Gwella Cartrefi DIY: Mae gweithgareddau fel adeiladu tai adar, gosod gwelyau gardd uchel yn cynnwys mesuriadau, cyfrifiadau arwynebedd a chyllidebu.• Archwilio awyr agored a theithiau cerdded byd natur: Gall archwilio llwybrau natur neu barciau gynnwys amcangyfrif pellter, mesur uchder coed a nodi patrymau mewn byd natur. Mae angen cysyniadau rhifiadol ar bob un ohonyn nhw. <p>Yr amserlen ar gyfer y gwariant/gweithgaredd cymwys yw 1 Gorffennaf 2024 – 31 Rhagfyr 2024.</p>
<p>Adran 4.c.</p> <p>Deilliannau</p>	<p>Dylech chi roi amcanestyniadau ar gyfer yr allbynnau a'r canlyniadau.</p> <p>Nifer y Cofrestriadau - nifer yr unigolion</p> <p>Rhaid i unigolion fod yn 19 oed neu'n hŷn.</p>



	<p>Rhaid i unigolion fod yn byw yn RhCT.</p> <p>Rhaid i unigolion hunanddatgan i ddweud nad ydyn nhw wedi cyflawni lefel 2 neu gyfwerth mewn mathemateg, neu nad yw unrhyw gymwysterau mathemateg blaenorol bellach yn berthnasol, e.e. oherwydd yr amser a aeth heibio ers cwblhau.</p> <p>Darperir ffurflen gofrestru ar gyfer ymgeiswyr llwyddiannus.</p> <p>Nifer yr unigolion sy'n cwblhau o leiaf 2 awr o weithgaredd - nifer o unigolion.</p> <p>Bydd cofrestr gweithgaredd yn cael ei darparu i ymgeiswyr llwyddiannus.</p> <p>Nifer yr atgyfeiriadau at ddarparwyr a gomisiynwyd - nifer o unigolion.</p> <p>Bydd rhestr o ddarparwyr a gomisiynwyd yn cael eu darparu i geisiadau llwyddiannus ar gyfer cyfranogwyr sydd eisiau symud ymlaen mewn dysgu.</p>
<p>4.d. Cynllun Corfforaeth ol Cyngor Rhondda Cynon Taf</p>	<p>Dylech chi adolygu'r blaenoriaethau a rhoi tic wrth ymyl pob un sy'n berthnasol.</p> <p>I weld copi o'r Cynllun Corfforaethol ewch i www.rctcbc.gov.uk neu cliciwch yma:</p> <p>https://www.rctcbc.gov.uk/CY/Council/PerformanceBudgetsandSpending/Councilperformance/TheCouncilsCorporatePlan.aspx</p>
<p>Adran 4.e. Newid yn yr hinsawdd</p>	<p>Dylech chi adolygu'r blaenoriaethau yn 'Hinsawdd Ystyriol' Cyngor Bwrdeistref Sirol Rhondda Cynon Taf: Strategaeth Newid yn yr Hinsawdd 2022-25 a dweud wrthon ni sut y bydd eich prosiect yn cyfrannu'n gadarnhaol at newid yn yr hinsawdd a lleihau carbon e.e. cynyddu effeithlonrwydd ynni, sicrhau cyflenwad di-blastig ac ati.</p> <p>Strategaeth Mynd i'r afael â Newid yn yr Hinsawdd yn RhCT 2022 - 2025) "Hinsawdd Ystyriol" RhCT</p>
<p>Section 4.f. Cyfleoedd Cyfartal a'r Gymraeg</p>	<p>Dylech chi nodi sut fydd eich prosiect yn hybu cyfleoedd cyfartal sy'n hygyrch i bawb ac yn hybu'r Gymraeg, e.e. fersiynau Hawdd eu Darllen o wybodaeth, iaith arwyddion, darparu toiledau/mannau newid hygyrch, mynedfeydd ac allanfeydd hygyrch i bobl ag anableddau, a chroesawu cyfranogwyr yn Gymraeg, Darparu arwyddion dwyieithog; cael staff sy'n siarad Cymraeg ar y safle; sicrhau bod cyhoeddiadau yn ddwyieithog, gweithgareddau yn cael eu darparu yn Gymraeg ac ati.</p>



<p>4.g. Hanes profedig</p>	<p>Rhaid i ni fod yn hyderus y bydd unrhyw grantiau a gaiff eu dyfarnu yn cael eu gwario, eu darparu a'u cefnogi gan dystiolaeth yn brydlon ac yn gywir.</p> <p>Dylech chi roi gwybod am brofiad blaenorol o gyflwyno prosiectau a gaiff eu darparu gan grant yn llwyddiannus.</p>
<p>4.h. Caniatâd</p>	<p>Mae angen i ni wybod bod gyda chi'r caniatâd angenrheidiol ar waith i gyflawni eich prosiect. Rhaid i hyn fod ar waith cyn i chi wneud eich cais.</p> <p>Er enghraifft, os ydych chi'n rhentu cyfleuster; a oes gyda chi ganiatâd gan eich landlord i gynnal y gweithgaredd neu i wneud y newidiadau arfaethedig?</p> <p>Bydd raid i chi gyflwyno tystiolaeth o unrhyw ganiatâd fel atodiad gyda'ch ffurflen gais, e.e. cadarnhad ysgrifenedig gan eich landlord.</p>
<p>Rhan 5 Costau'r prosiect</p>	<p>Yn yr adran yma, rhaid i chi ddarparu manylion am gostau ar gyfer y flwyddyn ariannol.</p> <p>Mae gwariant refeniw fel arfer yn gostau gweithredu parhaus sy'n cael eu defnyddio wrth gynnal eich prosiect.</p> <p>Mae modd ystyried eitemau refeniw unigol sydd gwerth mwy na £2,499. Lle bo eitemau o'r fath wedi'u cynnwys, rhaid cyflwyno 3 chais cyffelyb yr un pryd â'r cais (Gwerth rhwng £2500 - £14,999).</p> <p>Mae gwariant cyfalaf yn <u>anghymwys</u> ac yn ymwneud â gwariant o natur hirdymor, (mae gan y gwariant werth dros nifer o flynyddoedd), lle caiff asedau eu prynu, eu hadeiladu neu eu gwella.</p> <p>Rhowch gyfanswm y gost ym mhob llinell ac adio pob cyfanswm at ei gilydd.</p> <p>Gall cyfanswm y gost fod yn fwy na chyfanswm y grant rydych chi'n gwneud cais amdano. Os yw hynny'n wir, bydd angen ichi nodi o ble y daw'r cyllid ychwanegol yn yr ail dabl ariannol. Does dim angen i chi nodi cyfraniadau <i>rhodd</i>.</p> <p>Os yw'ch sefydliad wedi'i gofrestru ar gyfer TAW, fyddwch chi ddim yn cael hawlio TAW.</p> <p>Os nad yw eich sefydliad wedi'i gofrestru ar gyfer TAW, yna mae TAW yn gost prosiect cymwys.</p>



	<p>Rhaid i chi hefyd ddarparu manylion unrhyw arian cyfatebol ariannol yr ydych wedi gwneud cais amdano, mewn perthynas â'r prosiect/gweithgaredd yma.</p>
<p>Sut bydd eich grant yn cael ei dalu</p>	<p>Os caiff eich cais ei gymeradwyo, byddwch chi'n derbyn llythyr cynnig drwy e-bost gyda manylion y grant a'i delerau ac amodau. Os ydych chi'n dymuno derbyn y grant bydd angen i chi adolygu, llofnodi a dychwelyd y telerau ac amodau. Yna, bydd taliad yn cael ei wneud i'r cyfrif banc sydd wedi'i nodi ar y ffurflen gais ar ôl derbyn anfoneb am y swm y cytunwyd arno yn eich llythyr cynnig.</p> <p>Bydd taliad yn cael ei wneud i'ch sefydliad ymlaen llaw. Byddwch yn effro i'r ffaith efallai y bydd rhaid ad-dalu'r grant i'r Cyngor pe ne bai'r sefydliad neu'r gweithgarwch arfaethedig yn cydymffurfio â'r telerau ac amodau a/neu'n methu â darparu tystiolaeth o'r deilliannau y cytunwyd arnyn nhw ac sy'n ofynnol.</p>
<p>Adran 6</p>	<p>Bydd angen i chi gadarnhau p'un a ydych chi'n bodloni'r diffiniad o fenter ai peidio. Os 'ydw' yw'r ateb i a) neu b), rydych chi'n bodloni'r diffiniad o fenter. Darllenwch, llenwi ac arwyddo'r datganiad yn yr adran Rheoli Cymhorthdal – Cymorth Ariannol Lleiaf yn y ffurflen gais. Os eich ateb yw c), sef dim un o'r uchod, dydych chi ddim yn bodloni'r diffiniad o Fenter - ewch i Adran 7.</p>
<p>Adran 7</p> <p>Awdurdodia d</p>	<p>Rhaid i'r person sy'n cwblhau eich cais ac un person awdurdodedig arall o'ch sefydliad lofnodi a dyddio'r cais cyn iddo gael ei gyflwyno.</p>
<p>Adran 8</p> <p>Checklist</p>	<p>Mae'r adran yma i chi sicrhau eich bod chi wedi cynnwys yr holl wybodaeth berthnasol cyn i chi gyflwyno eich cais.</p> <p>Mae hwn yn broses gystadleuol. Cadwch at y nifer geiriau ym mhob adran. Darparwch yr holl wybodaeth cyn 14 Mehefin 2024.</p> <p>Gall gwybodaeth sydd ar goll, gwybodaeth anghywir neu ysgrifennu mwy na'r cyfrif geiriau arwain at eich cais yn cael ei wrthod.</p>

Os oes gyda chi unrhyw ymholiadau pellach sydd heb gael eu nodi yn y canllaw yma, e-bostiwch GrantCymunedolCFfGCBSRhCT@rctcbc.gov.uk neu ffonio **01443 425368**.